



陶學士先生文集卷之四

五言律詩 甲辰守黃州初至作

初入黃州市蕭然綠柳村
刈茅低縛屋剖竹密
編門桃李巷零落山川勢吐吞
屢民來一二敬喜為溫存

黃岡寓所

霧雨一城暗黎巷三月天空梁
春蟻墮踈壁暮蚊穿草密
巖枯井苔荒蝕斷磚開門山色好
飛翠落吟箋

三月五日晟別東歸

客中離別苦，忍淚囑言辭。
背面南行處，臨衢目送之。
心隨江水去，人與片雲馳。
歸坐茅茨底，淒然老涕垂。

郡寓偶成

江月蕭聲遠，城春竹色斑。
天文鶉尾次，地險虎頭關。
縮綬此為郡，結茅先對山。
雨晴聞布穀，闔草未能閑。

雨過

雨過山添色，推窓翠撲衣。
秧隨新水長，蝶趁落蒼飛。
江近簷頭掛，春從客裏歸。
沙乾聊可步，倚

杖綠陰肥

久雨

十日久陰雨，今朝更沛然。
尺泥深草徑，三月似梅天。
剝木承簷溜，舒瓢挹井泉。
情懷殊不豁，寥寞對窓前。

憶二子晟昱

客窓風雨冷，唯有影隨形。
愛子別相遠，老懷愁未醒。
春殘雙鬢白，夜久一燈青。
何日團栾處，歡情滿戶庭。

苦雨二首

皇天日雨何不憫吾農冷逼青秧瘦陰添綠
對濃晚來鳴兩鴈誰與遣頑龍斷送殘春去無
心在酒鍾

斷橋春水隔疎牖暮雲昏蔓草縈山郭江濤漲
海門泥陳留鳥跡鉞濕胤苔痕安得愁陰豁晴
暉滿竹轆

追悶

數日情懷惡連宵風雨多憂來成展轉事至罷
吟哦園樹肥林子煙叢長薜蘿一春不對鏡正
恐鬢絲皤

偶閑

古堞晴觀漲幽蹊緩踏莎槐絲低掛蠖葉繭自
成蛾吏散庭花落朋稀野雀過却思前數載官
事蝟毛多

立夏日紀事

近午生微暖殘雲散積陰朱明新節序綠暗舊

園林幕佐論時政山人獻雅吟南風來應候解
愠快民心

寓所

蓋茅為寓所郡治亦于茲籬外麀窺吏衣中蟻
嚙肥晝長無訟牒興到有新詩朝食逢來使齋
厨米再炊

窮民

歎息窮民苦勞心歲不寧家空遭橫歛罪薄陷
淫刑堡寨雄群甲兵繇役兩丁我來新典郡哀
痛淚交零

旅寄

旅寄存時義居安意自如風欺窓紙薄雨透屋
茅踈盜息家無犬賓來食有魚綠陰清晝永愛
讀枕邊書

縱步

傍市人家聚瀕江草徑遙燕尋曾到屋魚候未
來潮訪友聊乘興扶筇直過橋晚山煙外見重
疊翠如澆

郊外

處上多栽竹家上盡結茅密房封蛹戶蠟樹繫

重包甕汲泉微濁鋤耕地頗磽傍簷蓋草具無
粟易山肴

望家信不至

船去四十日家無消息傳江頭人不到客旅眼
徒穿當暑衣無葛愆期榻有檀何當來土物免
使貸鹽錢

極復何言

聞立中書省命左右相國

相國經邦業中書出治原一堂文武並百辟表
儀尊自顧微蹤遠今符素志存十年參侍久喜
極復何言

寄董正則謔議

玉署清揮翰彤扉老曳裾懷人搔短髮來使寄
長書江樹春彌望山蟾夜共居剛風吹弱水不
得侍雲車

寄羅復仁謔議

遠懷羅閣老爽氣蕩清旻口伐推鄰壘神交厚

古人囊慳道尊貴
華老意清新
前席謔詢處
遙知鯁論陳

述事

千村新雨過
水滿綠苗生
蠶麥收成速
兵農賦役輕
紛上挈家室
日七到州城
訟簡有公暇
江山共此清

已上黃岡寓稿

夜泊蘭溪

津吏臨堤問湖官
隔水來乘桴
新竹貢築室
舊民回暮草
蚊飛猛秋雲
鳥喚哀長星
下天未風露一襟開

過五郎磯

石壁銀光爛
當衝似設關
雲陰拂樹走
山勢隔江環
絕頂人稀上
飛藤鳥自閑
富池蒼隴近
百摺枕江灣

盤塘

長峯飛騎突
勢歇斷滄江路
轉仍無際天
高恣倚窓
湫流催挾拖
山港絕徒杠
檣上馴鳥舞
迎人覓食雙

彭澤懷古

昔賢才勝福
五斗亦難任
歸飲柴桑酒
忘彈單

父琴義皇上古意晉室舊時心我愧過彭澤高
風不敢尋

過小孤山遇鄒師顏即別

江妃新廟下隊伍耀弓刀半載別離遠一官巡
警勞峯頭掛星漢關口吸雲濤見面即分手舟
行月滿篙

空庭

空庭人寂上環座竹倚上山淨秋陰薄林深曉
色逢案頭蠅豹捷壁竅鼠狼窺處約還清致湖
菱雜飯炊

遷客

遷客辭金馬吟情動草堂公餘秋煮鯁夢覺夜
聞輦靜拄看山笏清焚讀易香江湖蹤跡遠何
以報——君王

遣興三首

斫竹藩新廨鋤茅闢古蹊地偏松鼠過樹合竹
雞啼信步來溪上遲留到日西移時忽得句遣
興不拘題

鵠立踈晨仗蜂喧聚午衙寓居多澤水吾分合
漁槎未病常儲藥無眠減啜茶從人笑潘岳垂

老更栽荅

近時來井邑遠跡亦山林每憶

君賜食尚期朋盍簪遣文當述理臨政必清心
片語人皆信無煩徙木金

接字如也

湖鄉二首

淝水新無警湖鄉頗有年稻田驅夜豕蓮蕩捕

秋編邏卒黃茅屋歸人白板船數家依綠樹斜
日照炊烟

熟處人還聚生涯日漸忙洗魚漉作鮓切藕曝
為糧野紵栽臨屋家鳧浴滿塘掩門兒女坐燈
下補衣裳

西風

萬樹舞蒼翠西風終日來一涼衣頓薄何日客
當回候蟲吟露切秋鷲擊雲開又復悲搖落蕭
蕭獨上臺

觀大龍山

山勢何所似大龍飛入雲隔湖來艷翠未晚隱
斜曛洞掩無兵火林深亦斧斤亭西煙霧豁凝
望意慙慙

懷原夫

幕中曾對案袖裏祕藏書出處情無異清高我
不如入朝須挿筆進諫憶牽裾江海蒼鬚客回
時注起居

懷仲圭二首

天塹古為限江淮今復同國家當盛日臺閣已
生風獨愧辭朱雀無因望玉駟却思薇省夜共

剪燭荅紅

四方多取友幾載少知音君子温如玉同心利
斷金空中難寄字客裏易沾襟相會何時再堪
嗟老境侵

懷友

分携未一年美秩已三遷執筆螭頭立當廷鯁
論宣近因留遠地獨肯寄長牋五色雲霄止光
分寶炬蓮

憶昱

渺予成久別聞汝理生涯初夏出為旅深秋未

到家江風低宿雁晚日閃歸鴉
舐犢情逾切令人鬢已華

寄呈從兄松雲翁

別兄二載久介壽六旬餘清健如彊日蕭閑守
故居薄田供伏臘稚子業詩書小弟亦垂老還
思到里閭

遣興

門前蒼嶂列身在白雲樓有地學為圃無鄰可
乞醯江天孤影鶴山月五更雞自料廢負外慚
非必不齊

梅雪如雪

九月朔得晟所寄藥物

人自金陵至兒封藥物來家書千里達旅况一
時開病想丹砂鼎緣慳玉露杯喜看菹醢列鄉
味出瓶罍

九月七日雨

兩月晴明久昨宵風雨聲寒催秋色老病怯袷

衣輕故壘低雲黑荒衢濕蔓縈重陽時節近客
裏助淒清

秋祀三皇

藏祠當九日大道仰三墳廢邑姑存禮皇風不
在文曉江生白氣秋嶺濕玄雲茅茨土階淨旭
日照清熏

秋夜

青燈對無語白月透虛櫺乍冷蟬蟲響向風山
葉零更長無久睡意到索遺經心境有餘寐秋
聲自厭聽

人生二首

人生在天地隨寓即為家著處燕營壘行蹤鶴
印沙征衫沾野露舊隱笑溪蒼還勝陽山令篁
茅瘴海涯

人生無百歲功業必乾已此志不憂國何顏可
見天遠居山邑靜如對玉階前寄語秦淮柳還
能記著鞭

墓蚓

季秋蟄蟲俯墓蚓尚爭鳴蕭殺無多冷喧啾過
五更幽窓常聽夢微物各舒情節候雖成晏天

心特好生

蟋蟀

蟋蟀傍吾語秋寒聲更圓蕭々風露下切々客
窓前催得鳴機織驚回警枕眠揚鬚頻吐氣無
乃甚便々

九月蜂蝶

寂寞秋風老紛紜蜂蝶飛年々蒼落後隊々日
相違玉翅穿楓葉黃鬚點客衣山中隨意好何
必逐芳菲

霧

陰々似塵起曙色忽成昏綠樹杳無跡青山不
在門着人衣漸濕蔽野豹深蹲還喜清飈發天
開放曉暎

晚風

暮秋連日熱向晚大風寒變態如翻手衰容怯
倚欄降霜中氣應吹月上雲端木葉蕭々脫淒
聲接夜闌

秋雨

秋雨黯彌晝暑寒相代時南方謝締絡急吹透
茅茨萬舞庭前樹劬勞野外師園蔬承潤澤新

綠動離

夜永

山深無刻漏夜永不知更窓白只疑旦月斜猶
未明離人江北住華髮枕間生孤館此懷寂斷
鴻何處聲

雨館偶成

山中三日雨榻上一種寒野暝雲吞樹溪回雪
舞湍孤飛迷白鳥數點淡蒼巒閉戶空林下蕭
條意強寬

遣懷

十朝八九病一廿萬千忙未獲康寧福猶馳汗
漫場延齡愛芝朮遊宦憶耕桑習靜心無擾餘
生樂未央

復雨

徹夜雨聲急當門溪漲高枯蠅抱野蔓寒雀起
林蒿泥濺新油履風欺舊緼袍邑民應笑我官
况太蕭騷

豈至樅陽喜而有賦

宇宙身如寄星霜歲易周客鄉驚見面父子共
忘憂話稟知親舊灯前問進脩若兄能守舍此

處暫堪留

寄示晟二首

汝弟來傳說朝儀熟見聞克家嚴志操事主致
恭勤騎射新從武優閑更學文令余沉痼釋覺
此老懷欣

今年二十四稼穡識艱難處約精神瘦居安意
思寬星辰天上拱松栢雪中看貧富能無累持
身始可觀

十月七日舟發樅陽

時遷往桐城舊縣

巡官率兵衛父老拜溪亭過烏雲間白高天雨

後青兩篙撐雪浪幾曲轉沙汀蘆葦風搖蕩寒
聲枕上聽

晚宿官段

村墅人新聚經營晚未閑魚梁箔如柵網戶屋
依山鵝鴨喧籬落蕪葭蔽水灣舟中不堪卧借
榻叩林關

泊松山湖

風逆湖波涌維舟傍淺沙松山雙石巘茅舍幾
人家霜樹明丹葉寒蔬長綠芽客鄉今夜月伴
我宿蘆花

過山家

步跡隨深徑春聲接近村魚膏燈掛壁采炭火
當門燕去留空壘雞棲隔密藩朔風鳴夜永矮
屋自春溫

發松山湖

朝雨止還作征人去復留輕雲微放日近午始
行舟雙島烟波繞重湖晝夜流白鷗飛適意擾
擾見渠羞

晚至白兔河

風雨日來數夕陽晴色初聊登沙岸步忽到野

人居白兔何年出黃荅火路舒喜聞郵舍報附
至玉堂書

登陸往桐城縣

經歲不騎馬借驢因斷河里行三十五岡度幾
重多野菊香澆袂霜松翠壓坡晴時臨縣郭山
色動春和

至桐城縣

聞使留三日慙慙待我來驕驄數里迓大帥尺
書栽金谷生芳草昆明有劫灰市民雖未集官
道且重開

桐城即事

東郭澗聲急西藩山勢高
井涇淘白骨礎石鏗
黃蒿新廨林麀過
虛廛野雉號從茲遠
兵難庶可息民勞

燈茗

卷然鐵如意紅粟結歲蕤
十瓣團葩出孤根密
縷垂寒風吹不動
光燄照書帷
黃昏至夜半有喜報人知

甲辰仲冬望日

憶自秦淮別今朝恰一年
山川詩畫裏天地客
窓前節物驚心換
行歲顧影憐屋束
寒澗月又見一番圓

冬至

天統書周朔雲祥紀魯臺陽來
第一日山下叢孤梅與客嘗
杯醕無人候管灰南窓晴色麗
齋戒卷還開

官廨北澗偶步

碧澗依山麓蒼松掛野藤泉清見魚沫磴絕少
人登龍井苔封甃鳧田草沒膳舊時豐邑屋廢
址接丘陵

聞除代者及召還之命

年殘動歸思客至報除書海內招文學淮南起
謫居故人存有幾短髮病來踈天朗朝陽出能
無照曳裾

臘月六日雪

臘天初見雪日午已開晴微暖空簷滴餘英老

木擎荒城無酒賣踈牖照人明風自西南起遙
知送客程

昱至桐城二日別去

兒曹各西泝吾亦欲東歸陸走百餘里一見復
相違雪晴沙路軟天闊雁鴻飛新年望還舍柳
下浣征衣

臘八日發桐城

邑人生悵快送別郭東門凍木知春早晴風捲
霧昏石橋分古道野燒露新痕行處山農說畱
聲到子孫

歸塗紀事

雨收遵水滸衛卒擁歸鞍灘淺輕舫滯泥新步
屨難諸峯雲樹淨百鷺雪翎乾東渡留宣湛相
逢故舊歡謂張子安 十字押句

宣湛即事

水退潛魚露洲寬落雁多裏糧山估集擊鼓野
巫歌紙帳春生夢瓷杯夜酌醪荆風吹雨至行
旅歎蹉跎

過樅陽

樅陽舊遊地歸棹此經過明府勞迎候遺民感

撫摩魚梁開網罟官解列兵戈倦客江東去山
川存眼多

泊池口作

水陸程俱歷星霜歲歆更兒孫望人至風雪止
吾行照影蓬窓燭吹香土竈羨偶然池口驚
見舊儒生遇青陽方叔誠 大

江行新霽

雲開天日明風順水波平造物憐遲暮今朝快
此程優上坐舟子坦上履夷庚路過銅陵後山
從荻港迎

早發

五更霜月白幾度喚長年不識歸心急猶耽向
曉眠南風隨盡舫東日上青天漸見繁昌邑三
山立岸邊

過天門山

石壁脫肩鑰倚空雙觀臺江流關不住闔闔豁
然開雲表羣仙望舟中獨客回欲揮千丈筆題
鳳記曾來

望青山

三峯江外出千里夢中來神秀還如昨飄零獨

可哀田園先業在杖履幾時回斜日孤帆遠相
思倚鳳臺

泊慈湖

望闕無三舍維舟忽再宵欲晴微露日近晚漸
停颺試起川神語難稽國命招逢明當裝棹帶
月蕩江湖

入境

船頭雞未唱已過數重磯原野新浮靄兒童遠
候歸好山如故友高鳥咲征衣指顧龍灣近無
勞歎久違

已上鶴沙小紀

○五言長律

○○送朱仲良四十韻

幕府需名掾儒林拔俊髦赤霄麟鳳至華嶽隼
鷹高家譜遺先業切庸在武韜銀符傳爵秩玉
樹秀兒曹鄆邑懷鄉遠鉛山鼓篋勞雨香萱草
砌雲湧墨荅槽寶劔精金鑄文綃獨繭綠朝盤
蒼首菑春酒綠蒲萄詩社驚風筆書櫺繼畧膏
霞生靈鷲履雪壓紫溪舸青眼多知己黃眉又
伐毛膺門隆雅遇和璞遂奇遭三語名增重諸
侯禮見褒襟懷澄夜月簡牘析秋毫訪道鵝湖

境承光熊軾旄水晶明窟宅珠玉紀遊遨遠調
邊江郡久延中土豪青山晨靄樹采石暮烟濤
槐舍香凝戟蓮漪色映絕謀猷禪召社刑罰尚
蘇臯駿足仍淹檻雄姿望解條雖承毛義檄尚
莞子游刀黍稷登商璉笙鏞間舜鼓屈身班雁
鷺挺貞出蓬蒿憲署嘉才藝分軺鑿履操抗章
孫薦鶚投釣六連鼉要路登風紀新威糾虺虺
竹松存勁節蘭菊著離騷喜動庭闈綠程催水
驛篙諸公聞耿介列郡息喧嘈烏府霜飛栢龍
門浪漲桃功名來袞七歲月任滔七風俗俱廉

問泉沙必淨淘宸聰資耳目民瘼解憂罄清鏡
方開匣彤弓已脫玃日斜豺虎遯秋肅草萊薶
折檻應當繼乘駟定不逃論交心正切話別首
頻搔葵火炎飈扇荷盤急雨斨離筵車馬集錦
瑟送芳醪

已丑九日南軒山長許栗夫邀學官及諸
生登高翠微亭以唐人登高詩前四句分
韻賦詩在座諸生有得開字者余為代賦

五十韻

一統江山大群賢氣量恢客中逢節序雨後踏

崔嵬虎踞城如昨鰲分極不摧臺空鳳凰去秋
老雁鴻來天闕駢雙岫神州見九垓六朝歸感
慨萬籟息喧飗鐵甕撐寒霧銀濤鼓霽雷淮田
黃接岸楚樹錦成堆古陌織如縷遙湖小似盃
千峯無遠近一望悉兼該獵苑平蕪外漁村別
浦隈風淒沙鳥逝雲冷野猿哀梵殿專靈境唐
宮盡劫灰清涼雖美額寂寞亦荒苔曾是興龍
地堪卑戲馬臺佳辰來宴集幽興寄徘徊我喜
南軒長名登北斗魁同官皆俊傑共樂及童孩
戶履何多甚盤殮儘富哉金蘭深有契玉樹皎

無埃泉石留清賞，烟霏作勝陪青天。從可幕白
 日不須頽草坐，膝相促觴傳手勿推採。茅嗟活
 炭接菊泛香醅，餅劑均充僕。桃慳遍數枚，參軍
 巾欲墜。靈運屐遲回，遠纈頻生眼。微醅漸上腮，
 性情雖坦率，語話絕嘲詼。過嶺尋禪榻，開軒倒
 巨壘。老僧心火滅，吟叟鬢霜皚。身世參寥廓，林
 巒入笑吟。寶坊棲萬佛，華蓋擁三台。晉塚紫枯
 蕩，梁碑漬古煤。楓亭紅點綴，蘚甃綠沍洄。舊跡
 供搜訪，新詩費剪裁。文華聯鸞鷲，駿逸掃駑駘。
 懷璞逢明世，懸金致異才。雲霄方滿足，徑路豈

無媒寶氣生，龍劍珠光出。蚌胎棲身非，枳棘洗
 髓到蓬萊。醉玩瓊林杏，清依玉署梅。佳期應不
 遠，流俗詎能猜。小子慙荒陋，茲遊覩壯瑰。自憐
 樗櫟質，豈是棟梁材。獨傍丘園隱，頻驚歲月催。
 菱花晨鏡對，楮杓夜爐煨。鶴露常知警，鵬風亦
 欲培。麻衣叨與會，菜佩更襍災。曾結松筠友，仍
 煩桃李栽。願言隨步武，閭闔九重開。

靳綏管新任 字慶宜

天子求賢守君侯，牧此邦四郊多壁壘。五馬建
 麾幢，西北辭樞府。東南控大江，黃堂施號令。赤

子解憂懣昔者懷才藝遭時選厚厖九龍居得
五一鶚薦無雙梁棟資名植圭璋琢美珏早朝
隨仗馬夜館讀書釭臺憲綱頰振春官禮不吮
賦毒心似鐵潤草筆如杠楓蔭壘丹陛薇香透
瑣窗繡衣勞遠使寶鼎可輕扛優詔鎮千里深
仁滿一腔岡陵蘇旱畝防岸息奔瀧聲動民謠
袴歡浮社酒缸炊烟噓冷竈甘雨活枯椿羽扇
揮能捷鄉兵出已降荅村皆放犢月野不驚龙
泮水招衿佩天河洗甲鏃陂應千頃貯鍾豈寸
莛撞民病憐魚轍途窮濟石砭瞻依今有地道

德啓愚憇

追輓主簿汪古學

字虞卿名逢辰新安人汪王之後

身為明時出心惟古學稽方期遺一老庶以澤
羣黎回首人何在聞名我亦悽有山埋玉樹無
路上金閨憶昔居鄉井逢危動鼓鼙簷深來鳥
雀海晏息鯨鯢保產身勤儉治家法整齊教承
軻氏母賢有伯鸞妻歷世神明胄旌門孝節題
父天嗟已隔聖域望能濟雅譽尊徽歎雄詞繁
壁奎居然麟一角駿甚馬攢蹄宵次光澄月毫
端氣掛霓輕財好施予引手救顛隴籩豆豐延

客囊殫自薦齋中年方仕進遠轍忽東西化雨
滋鄱水文風振語溪藻芹魚亦樂枳棘鳳難棲
職謝雷封簿躬耕雨隴犁乾坤容放浪軒冕視
塗泥載酒尋蒼塢編籬護藥畦禮卑皂蓋守詩
富錦囊奚物外筇隨鶴人間甕舞雞流光催袞
袞大夢杳淒々著述雷殘藁婆娑想故蹊救筒
香墨在琴榻暗塵迷宰木脩盈拱孫枝皎若圭
遺孫今雪鬢高步上雲梯遊宦羶仍冷論交手
屢携傷情歌此曲南望暮天低

喜雨為靳太守作

仲夏梅霖少人情苦蘊隆兩轡專郡寄千里念
農切為阻新秧綠愁看烈日紅露香深處禱精
意上天通不洒涇龍水俄飛石燕風悠然起膚
寸倏爾滿虛空注地除龜坼翻瓶滴馬鬣火鞭
馳列缺雷斧役靈霤滂掛銀綃闊聲騰鐵騎雄
波濤主砌上膏乳漲田中挿蒔高低遍沾濡草
木同頰來仍密々歆歌尚漾々芋圃添新葉瓜
畦長暗叢閭閻清疫癘老稚解憂忡大慰雲霓
望欣聞畎澮充壤歌渾易接米價頗難窮野路
收黃潦江潮注采虹估棹今不用稼穡必全豐

德澤流三縣休徵出寸衷名亭蘇太守憫雨魯
信公珠玉非為貴倉箱可待崇從知祈福祉不
在走祠宮郡舍涼陰重溪城瑞氣融買牛如渤
海興學見文翁有此養民惠無非報主忠還當
挽河漢滂沛洗兵戎

已上辭達集

追輓樂天王處士五十韻

諱鑑翁字子明處州遂昌縣人

衮上多高位寥上少逸民誰甘棲地僻君獨樂
天真直道追三代行年傍六旬日斜來舍鵬時
降陪郊麟飛掩玄臺舊銘登翠碣新偶然聞善
渺矣悼斯人公族周家後儒門浙水濱洪鐘鳴

義塾封誥出嚴宸累葉承光耀孤標任隱淪治
生盤谷稼寓意添園椿徐孺高南郡黔婁禱北
辰堂馨萱草雨庭艷棣華春有諾黃金重無疵
白璧純言溫消忿訴恩厚洽宗姻懶應弓旌召
常欣簡袞親先塋培馬鬣宰木護龍鱗孤竹清
風古三槐世德淳斃曾披野雪衣不浣京塵運
鶴隨吟杖淵魚避釣緜浮雲薄軒冕別墅友松
筠靜奕商顏皓酣眠華岳陳少微占處士太乙
降尊神粟里遙辭宋柰源久避秦屢豐歡未艾
嘉遯志彌伸理契六虛易歌吹七月姤鴻冥託

嚴瀨鷓語聽天津白髮仙遊李言排性惡荀夢
忘蕉鹿偽坐狎海鷗馴石髮摩青蘚溪毛洗白
蘋屋烏翔子母塔蟻序君臣方治玩澄碧寒蟾
掬爛銀南園蒼統屋北海酒延賓采藥携筐遠
看山在笏頻鼎茶浮豕腹爐藝噴猊脣樵牧交
盟締兒曹禮法遵龐公不入市孟子願為鄰措
範傳鄉里威儀列介僕芳藟芹荀薦幽佩菰蘭
紉息影林亭樹傷心世路榛晦齋寧淡寂晚節
更持循天運趨溟水人生下坂輪龍蛇報辰已
烏兔走昏晨永訣垂遐壽全歸畢此身嵐霏空

勝境霜露慘高是行跡留巖壑遺文播縉紳二
郎官必做雙節女難倫雅操猶如昨脩名愈不
湮孫枝聯五桂家學重千鈞作傳需良史垂榮
等至珎遂昌雲岫冷遙望一沾巾
知新近藁

Large stylized watermark or seal, possibly containing the characters '東洋' (Toyo) or '東洋' (Toyo).

Vertical text in a columnar format, likely bleed-through from the reverse side of the page. The text is mostly illegible due to the watermark and image quality, but some faint characters are visible.

